

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saq-qummiuppakka:

1. **Angutit kinguaassiutitigut meeraanerminni atornerlugaasimasut katsorsaaveqarpat?**
2. **Taamaassimappat qanga aallartippa?**
 - a. **Sumut killippa?**
 - b. **Aamma sumiippa?**
3. **Angutit meeraanerminni kinguaassiutitigut kanngutsaatsuliorfigineqarsimallutik katsorsartikkumasut sumut saaffiginnessinnaappat?**
4. **Kinguaassiutitigut innarlerneqarsimasut maannamut ikiorneqarnissamik saaffiginnessimasut qassit ilisimaneqarpat?**
 - a. **Taakkunanilu qassit maannamut ikiorneqarpat?**

(Inatsisartuni ilaasortaq Laura Táunâjik, Siumut)

Tungavilersuut:

Sineriatsinni illoqarfinni nunaqarfinnilu kinguaassiutitigut atornerlunneqarsimasut amerlaqisut paa-sineqarpoq. Sulilu oqaatiginnessimangitsut arlaqarsinnaaneri qularnangilaq.

Angutit kinguaassiutitigut kanngutsaatsuliorfigineqarsimasut malunnartumik arnaniit matoqqaneru-llutillu tunuarsimaarnerusarput. Taamaattumik angutaannarnut tulluarsakkamik katsorsaavimmik peqarsimangippat pissusissamisoorsoraara naleqquttumik katsorsaaveqalernissaa.

Agguaqatigiissillugu angutit arnaniit imigassamik ikiaroorartumillu atuinerupput. Taakkulu inuttut anniaatiminnik poortuermikkut inuunermik pitsaasumik aallartinnissaminnut ikaarsaarnissamin-nullu sapilersutut ittarsimanissaat ilimagaara. Ilisimaneqarpoq aamma angutaakkajuttut iliniaqqin-nissamut ingerlariaqqinngitsoortartut ilinniakkaminnillu unitsitsiinnartartut. Taamaattumillu inuu-nerminni suliarisimangisatik pillugit atornerluisunngoraangamik inoqatigiinnut malunnaataasu-mik ajornartorsiutinngortitsisartut. Taakkukkajuttarpullu suliffimmik paarinnissinnaajunnaarlutik assigiinngitsunut suliffinnut nuttaqattaartartut.

Apeqquteqaatimma ullut suliffiusut qulit iluanni akineqareersimanissaat kissaatigaara.